

UCHUMI

NIPASHE UK 11

Uchumi Buluu unaowaunganisha 'kuwatoa' wanawake na vijana wa Pemba na Tanga

Na Beatrice Philemon

• Wawekewa mtaji mezani waianze safari


MRADI wa Bahari Mali unaofadhiliwa na Ubalozi wa Ireland nchini, ume-kuja na jipya kwa mikoa ya Tanga na Kisiwa cha Pemba, wanawake na vijana wanajengewa uwezo kushiriki ujasirimali na uchumi wa buluu, vilevile kukabiliana na athari za mabadiliko tabianchi.

Kupitia mradi huo, wanawake na vijana watapewa elimu ya ujasiriamali washiriki katika biashara ya ufugaji viumbe maji kama vile kaa, majongoo bahari, ulimaji zao la mwani, chumvi, kupandaji mikoko majini, ufugaji nyuki na rasilimali za bahari.

Pia, ni mradi wa baharini utakaoanzisha programu atamizi kwa vikundi vitakavyoshiriki ujasiriamali wa uchumi wa buluu. Tayari kuna vikundi 19 vitavyonufaika kwa miaka mitatu, kila moja kikipatiwa mafunzo ya ujasiriamali na mtaji wa Euro 12,500 (sawa na shilingi milioni 32).

Imezindunduliwa mkoani Tanga na Naibu Waziri wa Mifugo na Uvuvi, David Silinde, katika halfa iliyohudhuriwa na Balozi wa Ireland nchini, Mary O'Neill; pia Katibu Mkuu Wizara ya Uchumi wa Buluu na Uvuvi Zanzibar, Dk. Aboud Jumbe.

Pia, walikuwapo wenyeviti wa halmashauri za Mkinga na Pangani, Mkuu wa Wilaya ya Micheweni Pembana wadau wa maendeleo na wawakilishi wa sekta binafsi, mashirika yasiyo ya kiserikali, pamoja na wanufaika



Naibu Waziri wa Mifugo na Uvuvi, David Silinde, akimuangalia kaa katika maonyesho yaliyoandaliwa na wanufaika wa mradi kutoka Pemba na Tanga wakati wa uzinduzi wake, mkoani Tanga. **PICHA: BEATRICE PHILEMON.**

wa mradi.

Meneja Mradi wa shirika la kimataifa la IUCN, Elinas Monga, anaiambia Niopashe kuwa hadi sasa ubalozi wa Ireland Tanzania umetoa fedha Euro 1.8 million sawa na zaidi ya shilingi bilioni nne kwa shirika la IUCN, kutekeleza mradi.

Anasema Mradi wa Bahari Mali unalenga kukuza uchumi wa jamii ya pwani, hasa wanawake na vijana wakijengewa uwezo wa kukabiliana na mabadiliko tabianchi.

"Kwa kuanza, jumla ya shilingi

wa pwani, unategemea huduma za ikolojia baharini kama vile matumbawe (coral reefs), mikoko (mangroves) na na majani baharini.

Hivyo, katika kuboresha taasisi za kijamii zinazosimamia rasilimali bahari kama vile BMU, inaweka umuhimu kwa nchi kufika na fursa za uchumi wa buluu kwa muda mrefu.

Pia, anashauri taasisi ya serikali ya uhifadhi wa maeneo ya Bahari (MPRU), kuanza kufikiria kuhifadhi maeneo makubwa ya bahari kwa njia shirikishi, tofauti na uhifadhi wa maeneno mado- go wa sasa.

Kuhifadhi maeneo makubwa baharini anasema kunaruhusu matumizi mchanganyiko, hata kuifanya rasilimali bahari za nchi kuwa chini ya uangalizi maalumu, tofauti na sasa sehemu kubwa haina usimamizi.

Lengo la Umoja wa Mataifa unahitaji kuhifadhi asilimia 30 ya eneo la bahari kufikia mwaka 2030, ili kukabili upotevu wa baionuai na mabadiliko ya tabianchi, ikiyenga uchumi imara na stahimilivu.

Silinde anaushukuru ubalozi wa Ireland nchini, kwa kushirikiana na serikali hasa katika sekta ya mifugo.

Hasi sasa tafti zinaonyesha changamoto kubwa waliyonayo wananchi wa Pwani katika kutumia rasilimali za bahari kibiashara ni ukosefu wa maarifa ya

biashara na mitaji.

"Serikali kupitia Wizara ya Mifugo wa Uvuvi imeliona hili na katika bajeti ya wizara ya mwaka 2022/2023 serikali imetenga fedha kwa ajili ya kutoa mikopo isiyokuwa na riba kwa vikundi vya kijasiriamali kwenye sekta ya uchumi wa buluu, "anasema waziri.

TANGA NA PEMBA

Mradi unatarajiwa kufanya uragibishi kuhakikisha jamii na wadau wa uchumi wa buluu, wanaopata uelewa ili uwe endelevu kuhifadhi maeneo ya bahari na pwani.

"Hakuna namna tunaweza kuhifadhi bahari na mazingira ya pwani tusiyoyafahamu vizuri na hakuna namna tunaweza kuwa na mipango mizuri ya uchumi wa buluu bila kuwa na taarifa na maarifa ya kutosha, ni tafti pekee zinazoweza kutusaidia," anasema Silinde.

Anaziomba sekta binafsi ziwekeze katika eneo hilo la uchumi wa buluu, kwa sababu ufugaji viumbe maji umekua, ikiwamo jamii ilivyohamasika kwa biashara ya ufugaji viumbe maji kama kaa na majongoo bahari, pia sehemu kubwa inashughulika na ulimaji wa mwani.

"Hata hivyo kuna changamoto kubwa ya upatikanaji wa mbegu, vyakula na ujenzi wa miundombinu ya kisasa ya ufugaji wa vi-

INAENDELEA UK.14